

# Ei etterlengta oppslagsbok

---

## ANMELDELSE

KNUT ASBJØRN ULSTEIN

Overlege  
Psykisk helse for barn og unge, Ålesund



Anne-Grethe Urnes, red.

Den interaktive hjernen hos barn og unge

Forståing og tiltak ved nevrouutviklingsforstyrrelser og nevropsykiatriske tilstander. 394 s.  
Oslo: Gyldendal, 2018. Pris NOK 519

ISBN 978-82-05-51093-7

Boka er ifølge forlaget eгna som lærebok for fleire utdanningsar, frå medisin og psykologi til pedagogikk og miljøterapi. Fleire erfarte forfattarar knytta til ulike fagmiljø og profesjonar har bidratt i boka.

Boka er bygd opp av to hovuddeler, ein generell og ein klinisk del, med 33 enkeltkapittel som femner om dei fleste synsvinklar på barn og unges utvikling. Vi får oppdatert kunnskap om hjernen sin oppbygning og plastisitet, oppsummering av utredningsmetoder og behandlingsformer. Siste 200 sider er sett av til eit vidt spekter av kliniske diagnosar, som cerebral parese, adhd, rusmiddelavheng, lærevanskar, traume og dissosiativ tilstandar. Innhaldsoversikta er på 14 sider og bidrar til at boka fungerer som eit oppslagsverk.

Noko av det som gjer boka til meir enn ei samling oppdaterte artiklar, er den pedagogiske måten alle forfattarane, og ikkje minst Urnes sjølv, bruker ny og kompleks kunnskap i ein klinisk kontekst (som elles ofte er prega av forenkla diagnostiske kategoriar, som adhd eller moderat depresjon). Eit døme er boka si framstilling av sosial kognisjon, ei evne som ikkje berre er ein dikotom variabel i autismeutredninga, men eit resultat av eit komplekst samspele mellom medfødde og oppøvde evner, kjensler og erfaringar. Eg set også pris på at den viktige biopsykososiale modellen får vere eit bakteppe utan å prege tekstane med

stadige gjentakingar.

Boka gir meir nyanserte synsvinklar for å forstå barns utviklingsvanskar, der både «hjarte og hjerne», tilknyting og nevrogenetikk tas med i vurderingane. Dette gir større høve for å støtte det enkelte barns unike utvikling i omsorg, skulegang, medisinsk behandling og psykoterapi utover diagnosekategoriar og pakkeforløp.

Om det er noko å utsette på boka? Eg sakner eit eige kapittel om personlegdomsutvikling hos barn og unge og eit om bipolar og andre affektive lidingar, der eg opplever at ny kunnskap frå nevrforskinga ikkje har nådd min kliniske kvar dag.

Takk for ei tettpakka, men oversiktleig og etterlengta oppslagsbok med «alt» det nyaste innan nevrouutvikling og nevropsykiatri. Anbefalt for alle legar innan barne- og ungdomopsykiatri og barnehabilitering!

---

Publisert: 30. mars 2020. Tidsskr Nor Legeforen. DOI: 10.4045/tidsskr.20.0068

© Tidsskrift for Den norske legeforening 2020. Lastet ned fra tidsskriftet.no